

# Daś bužo měr na zemi

## W Chóšebuzu su stajili měrowy słup

**Z Města/Cottbus.** W spominanju na 75-lětnu wrošenicu chyšenja atomoweju bombowu na japańskej měšće Hiroshima a Nagasaki jo se wuswěšil w Chóšebuzu 16. awgusta 2020 měrowy słup (Peace pole/Friedenspfahl) z japańskim, engelskim, nimskim a přédny raz tež ze serbskim napisom pó bibliskem gronje (Lukas 2, 14) „Daś bužo měr na zemi“. Pšizamknulej stej se wježenje pó wustajeńcy „Spominanje na pšichod. Wót Hiroshimy & Nagasaki až do žinsnajšnego“ a diskutisijne rozgrono někotarych wót tych iniciatorow. Na njom su se wobžělili Anja Mewes, předsedařka Towaristwa měrowych zwónow Berlin z. t. (Friedensglockengesellschaft), Johannes Oehler, zastupnik Mjazynarodneje kampanje za zakaz atomowych bronjow (ICAN), Marlene Block, wótpóslana Lěwicy w krajnem sejmje Bramborskeje, Jörg

Schindler, zwězkowy jadnař Lěwicy a Jochen Schmidt, člonek bazisodemokratiskeje Měroweje biblioteki/Antiwójńskego muzeja pši Ewangelскеj cerkwi Berlin-Bramborska a šlazińska Górna Łužyca (EKBO). W rozgronje jo se pokazalo na to, až dej se słowjeska logika pšec wót wójnow do směra měrniwego zgro-madnego žywjnja změnis a až dej Nimska pódpisaš a ratificěrowaš Dogrono k zakazujo atomowych bronjow (TPNW) UNO z lěta 2017. Až do awgusta 2020 jo 82 statow dogrono pódpisało, 44 wót nich teke ratificěrowało. 90 dnjow pó 50. ratifikaciji nabužo dogrono pšašiwósci.

Mjaztym eksistěrujo wušej 250.000 měrowych słupow pó ceľem swěše, w Nimskej na wušej 80 městnach. Město Chóšebuz pšisłuša jo swětowemu zwězkujo Majors of Peace, kenž zasajdujo se za swět

mimo atomowych bronjow, tak jo gronił dr. Markus Niggemann ako zastupnik wušego šofty. Wuraznje wuzwignuł jo Niggemann jadnorazowosć serbskego napisu. Tež Serbowki a Serby su póstajenje z rěcny wobradowanim a financiellnje pódpěrowali. Kulinariski zastarał jo pšibytnych gósćeńc „Prima Wetter“ a jo stakim dary za pódpěrowanje kulturnikow zběrał.

Pó wobkóncenje twařskich žěłow wokoło pódwjacornego wuchoda gľownego dwórnišća w měšće bužo stajaš měrowy słup ned tam w bliskosći twari něgajšnego Großenhainskego dwórnišća.

Městnosć jo se wuzwóliła w spominanju na bombarděrowanje chóšebuskego dwórnišćowego areala we februarje 1945, pši kótaremž jo wušej 1.000 luži, mjazy nimi teke wjele žiši, wumřělo.

**Christiana Piniekowa**



Diskusijna runda pši stajanju Měrowego słupa: Anja Mewes, Johannes Oehler, Marlene Block, Jörg Schindler, Jochen Schmidt



„Měrowy słup“ w Měšće.

Foše: Christiana Piniekowa